

翠渠集下

明蜀藩伯理學名臣翠渠周公文集

七言古詩

竹雪齋為戴提學賦

小齊種竹只十箇雪壓竹稍寒欲墮蒲簾高捲層雲破一鉤
新月入當座老夫肝腸鉄石做一生甘作衡門卧東鄰獻捷西
鄰挫滿城簫鼓紛來賀老夫騎驢雪中過

鷓鴣灘失纜

灘在桐廬縣予赴撫州經此

鷓鴣灘頭浪花白百丈竿舟上不得中流一斷去如飛骨肉相看

俱失色丹師借問是何人開頭轉舵如有神大呼一聲上灘去烟
樹微茫收近津昨日丹中讀群史宋元末路正如此得人失人勢
轉殊天北天南恨未已我今全家出顛危痛定思痛翻成悲便
欲作書獻天子雲深山高白日遲

臨汝書院成滿水部贈獨脚歌次韻奉答

大冶鑠物搏陰陽青春去我何堂西偏小構亦頗良不施黥
聖橫白亲捲簾正對五羊岡樹木拂簷交青蒼祥烟紫氣相
廻翔坐令白日迷晶光文米明彪來省即為我藝苑薏穢荒
慨然制作稱大方利甯長距獨擅場嗟予苦學未成章點綴

犧樽青與黃六經窟穴漱餘香拍春意覺滿腔與君對繒
纓錦裳著向風前聊徜徉欲駭麟鳳游帝鄉又笑自眩心未忘
小吏抱牘來倉皇謂耽文字頗有妨廣陸無車川無梁出門萬
里道路長使君局面宜更張

送友人朱弘裕歸潼川

君入諫垣初諫垣井初焚自烹五色石細補青天漏天門北望何
渺茫有獸毛色金絲黃雙目夾鏡齒如鋸齒人顧骨食人腸小臣
愛國不愛死飛章直入天門裡蠅頭細字三千餘重為邦家說倫
紀扶桑日出天鷄鳴玉皇穩卧猶未醒左右傳言卿大難幹母家

蠶不可負西南有州大如斗煩卿暫去作慈母腹中春意萬斛深
徧歷郊垌沾枯朽謫居下土今六年西風翩爾來朝天門深迥
如昨日扁舟依舊歸西川丈夫懷抱無好惡但得志行心自樂此
身亦是江水上漚祿食何須計豐薄厚居吾不見黃仲昭翰林詩思
翻天瓢祇為身家密勿地不為天子賦元宵又不見林貴實
橫班獨立祿直筆披肝苦為綱常謀神鬼聞之皆欲泣吾邦
文物古來多清風勁節今相摩我送因君發豪氣銅擊壺破
為我歌

僕夫謠

邵武僕夫性質野短衫禿袖身半赭丈二長輿在肩膊山路長駢
蹶如馮每遇高坡即大呼一呼一上誰復顧眼中惟見是夷行脚
底何曾有險步光澤西去八十里清溪亂嚙故山趾平明受直往
西行薄暮懷直見妻子每日只受四十錢受直不多心歡然更
有高堂受直者錦衣緩帶白日眠

辰州坡嘆

馬郎坡牛郎坡山高路險將如何前山望雲、片濶後山聽雨、
聲發僕夫尽日赤雙脚尽日踏泥、轉滑君不見蜀道難千山
萬水高巔屹我今入蜀向西去此是東頭第一関

閩蠻方鋪司

蠻方鋪司老無齒接官手持一傘子上衣短小終至脛頭破裂
直掩耳不辭官府遞文書只怕奸豪索錢米我時騎車過南鄙鋪
司長跪呼不起忽聞班軍任後來倉皇走入叢篁裡

入播州作

播州舊說非人居而今南北成通衢一鄉一聚置官長半邱半隴
皆犁鋤播州官長萬山裡疊翠浮青蹴天起烟雨晦冥猿鳥呼崖
壑窈深花木美昔日何人披草萊聚文爾侂皆豪才南撫烏江扼
喉領北營白錦屯風雷自歸聖朝不用武比屋絃歌學鄒魯千里

不聞鼙鼓聲民物熙、皆按覩我時遠佩藩侯書乘高涉險登畏
途山川形勝皆在目不勞重寫王會圖

題何氏雙挽詩

君家先世多潛德白髮重、照秋色荀翁曾生膝上孫陶母每飯
堂前客騎車昨遇通德門朔風吹雨白日昏屈宋九原不可作憑
誰書此招雙魂

題毛水部科所藏萬竿烟雨圖

城南城北皆塵壤馬蹄何處踏蒼莽歸來獨坐草堂深詩思搖落
湘江上湘江春水綠沉、蘆州荻渚鳴春禽上有平坡橫十里何

人種竹皆成林白日倏忽起雷電咫尺江山看不見一時蘆葦盡
銷沉老竹獨與風雷戰風雷震動雲冥冥化作蛟龍天外行人間
無處尋踪跡勁風凜凜長江橫東風日出曉來霽上下分明見天
地長身玉立好見孫滿眼蒼雲浩無際
聖朝天子開明堂大
化四決和風翔奇才一入伶倫手坐見制作遂成章而今海宇干
戈息佳種煩君更培植萬丈清風掃俗塵絲絲桃李無顏色

題陸都閫平瀘寇詩

西來偶識陸將軍屹如鉄柱排塵紛弧矢隨身射牛斗鳥蛇結陣
聯風雲瀘川小寇紛如蟻竊弄主兵潢池裡商賈廢市農廢

耕遠近皇、驚未已廟堂旦夕勞經營欲以不戰屈人兵一時
頗牧默不語將軍歷階言姓名烏飛有翻蛇有尾瀘川小寇付
與爾我有尺組如慮紅請縛渠魁獻祀階瀘川十月飛秋霜旌
旗掩映生寒光多方設疑不速取一鼓成擒功自張我聞用兵先
用計奇正迭出無常執魁渠既縛群雄解危陂坐使成平地平明
獻醜入學宮春風滿面聞鼓鍾飲至禮成客尽醉次第賦詩誇
奇功蜀民易動今猶昔鼠輩跳梁無虛日將軍袖手亦多年請
賈餘勇續前績

懷母歆送初使君憂制東還

君母去年七十六齒牙來動髻猶綠我母今年七十九齒牙已落
面浮垢昨傳嶺表饒風霜北堂萱草先萎黃君得家書哭欲死
天地遼邈魂飛揚我昨有書來故里書中親致慈母語謂我年
來稍健康棄官就養兒姑止聞君往日曾求歸當道滿眼知心
稀病書累上格不舉六年啼徧斑斕衣我今為母堅陳請疏入
臺司瓶墜井此生心事何由伸中夜嗚咽如裁鯁君今為母東還
鄉素冠素鞵復素裳慈母音容不復見徒勞百拜啼空堂我因
送君轉悲切愁腸百斛還百結母心不識兒心悲猶把甘言相解
說孝心自古無貧難茅簷菽水皆成歡行當閉門卧不起母令

後悔生愁嘆

讀陳忠肅公傳次柯竹岩韻

行都開閫頭尚黑壯懷直欲吞迤北厲兵秣馬不成寐夜々起待
東天白九廟英靈凜如生忍使宗社一齊傾滄海可填山可徙誰
謂志專功無成昨日閭閻謾驚擾勁氣不逐腥風倒白日隱隱
東方升夕暉看作晨暉曠難盤軟血盟未寒賣降之于舌先殫
母係尼菴兒械道盤中有餘吾誰餐救熱不啻頭額爛叔氏起兵
謀復漢叛賊已誅胡未殲視死如歸心不亂

陳忠肅公殉宋而死元世祖義之命葬于西湖智果寺北蒲

山皆生刺竹多有咏其事者予亦賦之

智果寺旁忠肅墓滿山刺竹生無數磨風礪雨堅相持猶帶戰酣
舊時怒岳墳見說遙相依墳上有樹皆南枝感應誰人如應響誰
謂草木俱無知宋墳未消胡運改大明奉天君四海此竹開花
復結實勾引鳳凰棲五彩

題陳憲副祥湖山一覽詩後

陳憲讀書號博識鞭笞諸子嚼群籍殘銅敗鉄投洪鑪瞬息化作
黃金汁看陽春深湖水渾惜昔聖祖西來巡龍爭虎閨白日暝
我師一鼓彼師奔四郊陰翳轉開霽上清下曠見天地日月雙輝

開大明赫、皇圖傳萬世陳君曾上廬山巔俯視湖水懷當年
聖祖神遊去已遠扳龍為賦烏號篇平生崛竒降不下山名水字
費模寫鋪張 聖德與神功欲繼商書與周雅詞壇自古多旁蹊
毛穎有傳聞昌黎此詩請刻廬山石 聖祖勲業天地齊

題竹鶴山人畫

竹鶴山人有竒癖詩家声趣畫家跡神營意造入微茫妙處想人
應未識此圖是寫玄冬圖溪山寂寞雲模糊玉皇宴罷群仙舞脚
底踏翻白玉壺、中壘漿化為水柳絮梨花黏不起地面平鋪
三尺深何處去尋東郭履林臯高士布衣單十日不出柴門閑蒙

頭高卧僵欲死不肯投刺向人間
魚鮮飲醇世情鄙一談清操輒
不喜竹鶴山人非昼師獨於象外得其理

畫鯉歌為吳都事賦

冰解水柔三月節萬頃桃花泛紅雪
東風不動畫冥冥雷聲飛
電蛇製中有文鯉作龍姿金鱗六
含光輝十載沙泥困頭角此
時直向龍門飛龍門西望如削壁
浪珠濺沫苔花濕天地更作龍
門顛萬仞一躍總咫尺昔年湖海
匹凡鱗而今化作真龍身上天
下地倒洪澍萬物枯槁皆回春
吳君此畫千金價畫筆雖真亦
是假居家雙壁照清波乃是天
地化龍者

赤龍歌

赤龍攬海、水渾巨鱗細鱗亂紛、大風播蕩幾寒暑餘腥猶自
滿江濱上帝聞之發震怒不使淫威徧下土飛符直取赤龍歸
彼遐荒界豺虎春雲布滿東西隅踈、密、雨聲徐桑麻蔽野雞
犬靜遙聞擊壤歌唐虞

萬竿烟雨圖為廣德葛清修賦

葛生家世居桐川開園種竹臨平田時、酒後發豪興涼風踈月
落詩篇今年見我容臺署手執紉素三尺許上有瀟湘竹萬竿一
半模糊帶烟雨初疑南國荆山寒卞和入楚猶未還至寶一時收

不盡遺此滿地青琅玕又疑西土瑤臺夕秦女吹簫還似昔鳳凰
不肯傍人飛參差亂展雲間翼畫竹何如種竹真與可去後誰
傳神偶披圖畫識高賞颯寒氣生衣巾皇都六月日如灼金鉄
欲流石欲鑠願言與子歸桐川同向竹林置雙脚

高亢明左遷鎮遠府判自號鉄溪主人及內移為賦此

鉄溪山水清如許借問何人為作主信陽逐客何處來一棹徘徊
秋色裡枕流欲以洗吾耳漱石欲以礪吾齒山深路遠人迹稀此
副肝腸向誰理昨夜岩頭西風起足馬送君又千里他時何處問
浮踪短句長篇鉄山底